



MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E O O CONCELLO DE VILARMAIOR PARA A SUBSTITUCIÓN DE MATERIAL DE CUBERTA E PINTADO DO LOCAL SOCIO DEPORTIVO DE TORRES

(1) A Consellería de Presidencia, Xustiza e Deportes é o departamento ao que lle corresponde a elaboración, proposta e execución da política do Goberno galego en materia de Administración local, de conformidade co previsto no Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes (DOG núm. 101 do 27 de maio).

(2) **Antecedentes.** A Xunta de Galicia, a través da Consellería de Presidencia, Xustiza e Deportes, ten previsto asinar un convenio de cooperación co Concello de Vilarmajor para substitución de material de cuberta e pintado do local socio deportivo de Torres.

Os artigos 194 e 195 da Lei 5/1997, do 22 de xullo, de administración local de Galicia (en adiante LALGA), establecen que, no que atinxe ás relacións coas entidades locais galegas, correspóndenlle á Xunta de Galicia ás competencias de cooperación e colaboración, podéndose estas materializarse mediante a subscripción de convenios.

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e 80 e 81 da LALGA, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza, entre os que se atopan a promoción do deporte e instalacións deportivas e de ocupación do tempo libre.

(3) **Finalidade.** Para os efectos sinalados, tense previsto formalizar co concello de Vilarmajor o instrumento convencional a que se refire a presente memoria, cunha duración que abrangue dende a súa sinatura ata o 31 de decembro de 2024.

(4) **Obxecto do convenio.** Este convenio ten por obxecto fixar as liñas de colaboración entre a Consellería de Presidencia, Xustiza e Deportes e o Concello de Vilarmajor para substitución de material de cuberta e pintado do local socio deportivo de Torres cuxa desagregación se inclúe no anexo I do convenio, do cal forma parte.





(5) O instrumento convencional que se pretende asinar fundaméntase no seguinte:

O Concello de Vilarmajor manifestou a necesidade de asistencia por parte da Consellería de Presidencia, Xustiza e Deportes a substitución de material de cuberta e pintado do local socio deportivo de Torres.

A edificación consiste nunha cubrición formada por una estrutura de madeira laminada con cuberta de tella cerámica curva. A dita estrutura cubre parte da explanada existente diante do atrio da Igrexa de San Xurxo de Torres, con función de local social e deportivo para o Concello de Vilarmajor.

A cuberta ten certa antigüidade, xa recibiu varias reparacións ao longo dos anos, presenta deterioración e roturas nas tellas. En consecuencia prodúcense filtracións, cada vez con máis frecuencia. A pouca pendente que presentan os faldóns poden ser os causantes dos danos da cuberta. A madeira laminada, por efecto das inclemencias climáticas, perdeu a súa capa de protección inicial e comeza presentar zonas con degradación e primeiros inicios de podremia. Por este motivo plantéxase a instalación dunha nova cubrición,

O Concello de Vilarmajor como administración local encargada de velar polos intereses da veciñanza, solicita esta axuda para garantir a seguridade, a conservación e mellora do local social e deportivo e, desta forma, poder continuar realizando as actividades Sociais, culturais, educativas, formativas e deportivas que veñen realizando con regularidade nos últimos anos.

Entre as múltiples e variadas actividades que se veñen desenvolvendo, destacan as seguintes:

- Actividades sociais como a xuntanza anual de maiores do concello.
- Actividades culturais como espectáculos de malabares, musicais e de animación teatral, festas de Entroido, etc.
- Actividades educativas variadas, como por exemplo, sobre igualdade, e outras moitas realizadas polo CEIP de Torres ao estar situado a escasos metros do local.
- Actividades formativas, como son as prácticas de diferentes obradoiros de emprego realizados por persoal pertencente a colectivos vulnerables.
- Actividades deportivas como circuíto de karts ou xogos tradicionais, así como utilización para realización de días puntuais do campamento de verán cuxo fin é favorecer a conciliación da vida persoal, familiar e laboral das familias do concello.
- Ademais, dito local é utilizado por distintas asociacións do concello de





Vilarmajor, especialmente a parroquial, así como o CEIP de Torres durante o curso escolar e, incluso, a igrexa que está a escasos metros.

Os artigos 25 e 26.1 da Lei 7/1985, de 2 de abril, reguladora das bases do réxime local e os artigos 80 e 81 da Lei 5/1997, do 22 de xullo, de administración local de Galicia, dispoñen que os municipios deberán prestar á súa cidadanía os servizos públicos que contribúan a satisfacer as necesidades e aspiracións da comunidade de veciños, entre as que se atopan a promoción do deporte e instalacións deportivas e de ocupación do tempo libre.

A necesidade da colaboración solicitada á Consellería acentúase pola confluencia doutros factores. Por unha banda, na actualidade non hai ningunha convocatoria en concorrencia á cal poida acollerse este proxecto nin se prevé nas próximas datas.

Por outra banda, a falta de recursos dun concello pequeno para poder acometer as devanditas actuacións, nun marco orzamentario restritivo, de austeridade e control do gasto público, e necesariamente estable por imperativo legal para as entidades que integran a Administración local, configura un contexto do cal se derivan, entre outras consecuencias, a imposibilidade para o Concello de Vilarmajor de afrontar en solitario os compromisos económicos que a execución das actuacións obxecto de subvención, representan para a Facenda local.

Así pois, este convenio de colaboración responde ao interese público e social que representa a acción de fomento da Consellería de Presidencia, Xustiza e Deportes respecto da execución dunhas actuacións necesarias para o normal funcionamento da entidade local, que lle permitan exercer as competencias e prestar os servizos que a normativa básica en materia de réxime local lles atribúe aos concellos, como Administración máis próxima aos administrados.

A conxuntura descrita, a necesidade de asistencia manifestada polo Concello e o obxectivo da actuación, así como a existencia de crédito adecuado e suficiente para a súa aplicación eficaz no restablecemento dos servizos municipais sobre os cales se actuará a través do convenio que se pretende subscribir, acreditan a existencia de razóns de interese público que xustifican o feito de recorrer ao procedemento excepcional de concesión directa dunha subvención a favor do Concello de Vilarmajor.

Conforme co establecido no artigo 26.2º da Lei 9/2007, do 13 de xuño, de subvencións de Galicia, faise constar que neste convenio non son de aplicación os principios de publicidade e concorrencia pública, xa que o obxecto do convenio é atender as circunstancias específicas dese concello para a mellora das infraestruturas municipais.

Incorpórase ao expediente declaración xustificando a imposibilidade de promover a concorrencia pública, de acordo co establecido no citado artigo 26.2º.





(6) **Importe e aplicación orzamentaria.** Para dar cumprimento aos obxectivos deste convenio a Consellería de Presidencia, Xustiza e Deportes, a través da Secretaría Xeral Técnica, achegará a cantidade máxima cantidade de corenta e sete mil catrocentos noventa e seis con oitenta e catro céntimos (**47.496.84 €**), con cargo á aplicación orzamentaria 35.01.121A.760.0 (código de proxecto 2015 00088). Esta cantidade representa o 100 % do orzamento total do proxecto que constitúe o obxecto deste convenio, e que ascende a **47.496.84 € €** (IVE incluído).

(7) Polo exposto, considérase xustificada a utilización do instrumento convencional para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, data da súa sinatura dixital

O secretario xeral técnico
Francisco Javier Abad Pardo

